



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1861**

CCCXLIII. Der Priester Johann Melmeker schenkt dem Kaland das Patronat  
über eine Vicarei in Pasewalk, am 8. October 1513, mit bischöflicher  
Bestätigung vom 12. März 1514.

---

---

**Nutzungsbedingungen**

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

CCCXLIII. Der Priester Johann Melmecker schenkt dem Kaland in Prenzlau das Patronat über eine Vicarie in Pasewalk, am 8. October 1513, mit bischöflicher Bestätigung vom 12. März 1514.

In nomine Domini Amen. Anno a natiuitate eiusdem millesimo quingentesimo decimo tertio, Indictione prima, pontificatus sanctissimi in Christo Patris ac Domini nostri, Domini Leonis divina providentia pape decimi Anno primo, Die vero sabbathi, octava mensis octobris mane hora tertiarum vel quasi, In opido Prentzlow Caminenfis Diocefeos, Ibidem in Domino habitationis honorabilis Viri Domini Johannis Tele, presbyteri dicte Caminenfis Diocefeos, In mei notarii publici testiumque infracriptorum ad hoc specialiter vocatorum et rogatorum presentia personaliter constitutus, Commendabilis vir Dominus Johannes Melmecker, Presbiter Caminenfis Diocefeos, Vicarius in Ecclesia Parochiali opidi Pasewalk, unicus eiusdem Vicarie Patronus, pro se et suis heredibus, non vi, dolo, metu ac fraude coactus aut aliqua sinistra machinatione interveniente seductus, et quovismodo ex libera et spontanea voluntate et arbitrio, matura super hoc deliberatione prehabita Lecta pietate et dilectione motus, ut divinus augeatur cultus et beneficia ecclesiastica in honorem Dei omnipotentis sueque gloriose matris semper virginis Marie et suorum sanctorum fundata, In esse suo conserventur titulo donationis dedit, donavit, cessit, resignavit et renuntiavit donatione pura, libera, simplici, valida, perfecta et irrevocabili inter vivos ac transtulit et supportavit sine spe aliquid reposcendi, pure, libere et simpliciter omnibus melioribus modo, via, jure, causa et forma, quibus melius et efficacius de jure potuit et debuit, Commendabilibus viris Dominis Decano, Camerariis et senioribus fraternitatis Kalendarum opidi Prentzlow sepedicte Caminenfis Diocefeos Ipsis Decano, Camerariis et senioribus presentibus consentientibus et acceptantibus pro se et eorum In posterum successoribus Jus patronatus perpetue ecclesiastice sine cura vicarie in Ecclesia Parochiali beate marie virginis opidi Pasewalk Caminenfis Diocefeos, in honorem omnipotentis Dei sueque genitricis alme sanctorum Marie Magdalene et Elizabeth omniumque sanctorum fundate, erecte seu instaurate seu jus patronatus ad eandem personam idoneam totiens quotiens ipsa vicarie vacaverit seu opus fuerit, quod sibi ante donationem et resignationem hujusmodi ex fundatione ad eandem compeciit seu quovis modo alio unquam competere potuit, Transferens in eosdem Dominos Decanum, Camerarios et seniores et eorum successores virtute donationis, cessionis et concessionis hujusmodi omne jus et omnes actiones reales et personales, utiles et diferetas meras et mixtas ipso Domino Johanne Melmecker patrono donanti pretextu dicti Juris Patronatus seu Juris presentandi ante hanc donationem ad ipsum Jus patronatus seu presentandi Vicarie memorate acquisitum et acquiritas contra et adversus in jure huiusmodi patronatus seu presentandi eas turbantes impediennes et molestantes Ipsumque jus patronatus usurpantes, agere et expedire, excipere et replicare ac jus patronatus Ipsum evincere vindicare et possessionem vel quasi ejus pacificam et quietam assequi, nancisci et adipisci, ubi dum quando et totiens quotiens opus fuerit, Et generaliter omnia alia et singula facienda, dicenda et exercenda, que in premisis necessaria fuerint seu quomodolibet oportuna et que Ipsemet Dominus Johannes Melmecker donator ante donationem et cessionem facere poterat et debebat, Atque que verus dominus in rem suam propriam facere potest et debet. Promittit insuper dictus Dominus Johannes Melmecker Donator mihi Notario publico subscripto tamquam publice et auctentice persone solemniter, stipulanti et recipienti vice ac nomine omnium singulorum, quorum interest, intererit seu interesse poterit quomodolibet in futurum, dictam donationem

et cessionem atque iuris translationem ac omnia alia et singula supradicta ratas et rata firmas atque firma tenere et inviolabiliter observare, Nec contra facere, dicere vel venire per se vel alium seu alios publice vel occulte directe vel indirecte quovis quesito colore vel ingenio tam de jure quam de facto, propter quod effectus donationis et cessionis hujusmodi possit seu valeat quomodolibet impediri, Sub perditione honoris et fame et bonorum suorum omnium presentium et futurorum spiritualium et temporalium. Super quibus omnibus et singulis tam dictus Dominus Johannes Melemecker Donator quam preacti Domini Decanus, Camerarii et seniores fraternitatis Calendarum opidi Prentzlaw me notarium publicum subscriptum debite et instanter requisiverunt, ut super his unum vel plura publicum seu publica ipsis conficerem Instrumentum seu instrumenta tot, quot ipsis necessaria fuerint quomodolibet et oportuna. Acta sunt hec in opido Prentzlow Caminenfis Diocefeos sub anno, Indictione, Pontificatus, Die, mense, hora ac loco et aliis quibus supra presentibus ibidem providis Matheo Houener et Johanne Witthenn, Laicis Dicte Caminenfis Diocefeos, ad hoc vocatis specialiterque rogatis.

Et ego Johannes Hoppener, clericus Caminenfis Diocefeos, publicus sacris Apostolica et imperiali autoritatibus Notarius etc.

Et nos Martinus, Dei et apostolice sedis gratia Episcopus Caminenfis, Juris patronatus hujusmodi donationem Vicarie, de qua in retro scripto Instrumento publico agitur, apud Commendabiles Viros Decanum, Camerarium et seniores fraternitatis Calendarum opidi Prentzlow nostre Diocefeos et eorum successores permanente, cum omnibus et singulis clausulis in dicto retroscripto instrumento contentis duximus autoritate nostra ordinaria approbandum, ratificandum et confirmandum, approbamus et ratificamus ac in Dei nomine per presentes confirmamus dictumque Johannem Melemecker, presbiterum, et suos heredes ab omni dispositione Juris patronatus preactae Vicarie absolvimus et in Dominos Decanum, Camerarium et seniores fraternitatis preface nunc pro tempore existentes et eorum successores transferimus, Ita et taliter, quod ipsi Decanus, Camerarii et seniores nunc pro tempore existentes et eorum successores, quotienscumque eandem Vicariam post hec vacare contingat, discretum abilem et idoneum presbiterum vel alias juxta fundationis tenorem dicte Vicarie Clericum nobis vel successoribus pro tempore degentibus et administrantibus ad eandem instituendam infra debitum tempus a Jure statutum licite et libere possint presentare dicto Johanni Melmecker et suis heredibus in jure Patronatus hujusmodi vicarii nichil Juris penitus reservando. In cujus rei testimonium sigillum nostrum presentibus est appensum. Datum in opido nostro Colberg, Anno Domini Millesimo quingentesimo decimo quarto, die vero duodecima mensis Martii.

Aus einem Copialbuche.